



**BOSNA I HERCEGOVINA  
FEDERACIJA BOSNE I HERCEGOVINE  
URED ZA REVIZIJU INSTITUCIJA U FBiH  
SARAJEVO**

Ložionička 3, 71000 Sarajevo, Tel: + 387 (0)33 723 500, Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba

**UR: 05/006-01; 035- 01/08**

**IZVJEŠTAJ  
O REVIZIJI FINANSIJSKIH IZVJEŠTAJA  
na dan 31.12.2007. godine**

**FEDERALNO MINISTARSTVO ENERGIJE, RUDARSTVA I INDUSTRIJE**

**Sarajevo, maj 2008. godine**



## NEZAVISNO REVIZORSKO MIŠLJENJE

1. Obavili smo reviziju finansijskih izvještaja Federalnog ministarstva energije, rudarstva i industrije (u daljem tekstu Ministarstva ) i usklađenosti poslovanja sa zakonima i propisima, za godinu koja je završila na dan 31. decembra 2007. godine.
2. Rukovodstvo Ministarstva je odgovorno za izradu i fer prezentaciju finansijskih izvještaja u skladu sa posebnim propisima o računovodstvu i finansijskom izvještavanju u javnom sektoru. Odgovornost se odnosi na uspostavu sistema internih kontrola i usklađenosti poslovanja Ministarstva sa važećim zakonskim i drugim propisima. Naša odgovornost je da izrazimo mišljenje na osnovu provedene revizije.
3. Reviziju smo obavili, na osnovu ovlaštenja datih Zakonom o reviziji institucija u FBiH ("Sl. novine FBiH", broj 22/06) i u skladu sa revizijskim standardima Međunarodne organizacije vrhovnih revizorskih institucija - INTOSAI ("Sl. novine FBiH", broj 06/01). Ovi standardi zahtijevaju da reviziju planiramo i izvršimo na način koji nam omogućava da se, u razumnoj mjeri, uvjerimo da finansijski izvještaji ne sadrže materijalno značajne pogrešne iskaze, te da je poslovanje usklađeno sa važećim zakonskim i drugim propisima.
4. Revizija je, na temelju uzoraka, ispitivala značajne transakcije, koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja, ocjenu značajnih procjena izvršenih od strane rukovodstva prilikom sastavljanja finansijskih izvještaja, usaglašenost sa zakonima i propisima i ocjenu sistema internih kontrola. Smatramo da revizija koju smo izvršili pruža razumnu osnovu za izražavanje našeg mišljenja.
5. Po našem mišljenju, finansijski izvještaji istinito i objektivno, po svim bitnim pitanjima, prikazuju stanje imovine i obaveza na dan 31.12.2007. godine, rezultate poslovanja i izvršenja budžeta Federalnog ministarstva energije, rudarstva i industrije, za godinu koja se završava na taj dan, u skladu sa posebnim propisima o računovodstvu i finansijskom izvještavanju u javnom sektoru, osim za :
  - **Tekuće transferi koji su izvršeni za „Podsticaj proizvodnji i prestruktuiranju industrije i rudarstva“ u iznosu od 11.790.000 KM, od čega je prema Javnom pozivu realizovan iznos od 9.875.000 KM. U donesenom Planu i Programu utroška sa kriterijima za raspodjelu sredstava tekućih transfera doneseni su kriteriji, ali revizijom nismo mogli potvrditi na koji način su primjenjeni utvrđeni kriteriji kako kod izbora korisnika sredstava tako i kod utvrđivanja visine sredstava (tačka 5.4 Izvještaja).**
  - **Realizaciju Ugovora o adaptaciji poslovnog prostora u iznosu od 54.686,53 KM, gdje ne možemo potvrditi da je izvršen na osnovu relevantne i vjerodostojne finansijske dokumentacije (tačka 5.3.1 Izvještaja).**

Zamjenik generalnog revizora

Branko Kolobarić, dipl. oec.

Generalni revizor

Mr. sc. Ibrahim Okanović, dipl. oec.



## S A D R Ž A J

1. UVOD.....	1
2. PREDMET, CILJ I OBIM REVIZIJE .....	1
3. REZIME.....	1
4. OSVRT NA PREPORUKE REVIZIJE ZA 2006.GODINU .....	2
5. NALAZI I PREPORUKE .....	2
5.1    Sistem internih kontrola .....	2
5.2    Budžet za 2007. godinu.....	3
5.3    Tekući rashodi .....	4
5.3.1 Izdaci za materijal i usluge.....	4
5.4    Tekući transferi .....	5
5.5    Razvojni projekti.....	6
5.6    Nabavke.....	6
6.    KOMENTAR .....	6
PRILOG BR. 1. ....	1
Izvršenje budžeta Federalnog ministarstva energije, rudarstva i industrije na dan 31.12.2007. godine.....	1



**IZVJEŠTAJ**  
**O OBAVLJENOJ REVIZIJI FINANSIJSKIH IZVJEŠTAJA**  
**FEDERALNOG MINISTARSTVA ENERGIJE, RUDARSTVA I INDUSTRIJE**  
**za 2007. godinu**

## **1. UVOD**

Federalno ministarstvo energije, rudarstva i industrije ( u daljem tekstu Ministarstvo ) osnovano je u skladu sa Zakonom o federalnim ministarstvima i drugim tijelima federalne uprave («Sl. novine FBiH», broj 19/03). Ministarstvo obavlja upravne, stručne i druge poslove utvrđene Zakonom o federalnim ministarstvima i drugim tijelima federalne uprave koji se odnose na ostvarivanje nadležnosti Federacije u oblastima: energije, rudarstva, geoloških istraživanja i industrije, praćenje privređivanja i ekonomskog položaja privrednih subjekata i koordiniranje i provedba projekata od značaja za Federaciju u oblastima za koje je nadležno, kreiranje energetske politike i geoloških istraživanja i drugi poslovi utvrđeni zakonom.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji br. 12-02-1534/06 od 15.06.2006. godine, na koji je saglasnost dala Vlada FBiH dana 15.06.2006. godine aktom broj V broj 322/2006 i Pravilnikom o izmjenama i dopunama Pravilnika na koji je Vlada dala saglasnost aktom broj 530/2007 od 08.08. 2007. godine.

U sastavu Ministarstva nalazi se Zavod za mjeriteljstvo i Federalna direkcija za namjensku industriju. Sredstva za rad Ministarstva obezbjeđuju se iz Federalnog budžeta.

Broj zaposlenih u Ministarstvu na dan 31.12.2007. godine je bio 87, a Budžetom za 2007. godinu odobrena su sredstva za 94 zaposlenika, dok je Pravilnikom u unutrašnjoj organizaciji Ministarstva predviđeno 119 uposlenika.

Sjedište Ministarstva je u Mostaru, u Ulici Alekse Šantića bb.

## **2. PREDMET, CILJ I OBIM REVIZIJE**

Predmet revizije su finansijski izvještaji Ministarstva za 2007.godinu i usklađenost poslovanja sa važećim zakonskim i drugim relevantnim propisima.

Cilj revizije finansijskih izvještaja je da omogući revizoru da izrazi mišljenje o finansijskim izvještajima koji su predmet revizije, tj. da li finansijski izvještaji, u materijalno značajnom smislu, objektivno i istinito prikazuju finansijsko i materijalno stanje Ministarstva na dan 31.12.2007. godine, izvršenje budžeta za godinu koja se završava na taj dan, da li je poslovanje usklađeno sa važećim zakonskim i drugim relevantnim propisima, da li je trošenje javnih sredstava namjensko, te da li su finansijski izvještaji sačinjeni u skladu sa posebnim propisima o računovodstvu i finansijskom izvještavanju u javnom sektoru.

Revizija je obavljena u skladu sa internim planskim dokumentima revizije, u periodu od novembra 2007. godine do marta 2008. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

## **3. REZIME**

Izvršenom revizijom poslovanja Ministarstva za 2007. godinu konstatovali smo određeni broj propusta i nepravilnosti, a u cilju otklanjanja istih dali smo preporuke kako slijede:



*U skladu sa članom 62. Zakona o budžetima u Federaciji Bosne i Hercegovine urediti sistem interne kontrole kako bi se osiguralo izvršenje aktivnosti iz osnovne djelatnosti, a u skladu sa Smjernicama za uspostavljanje i jačanje interne kontrole budžetskih korisnika donijeti Pravilnik o internim kontrolama - internim kontrolnim postupcima. Nastaviti aktivnosti oko uspostavljanja funkcije interne revizije.*

*Potrebno je da Ministarstvo pristupi sistemskom planiranju tekućih transfera na osnovu relevantne osnove za planiranje.*

*Raspodjelu sredstava tekućih transfera vršiti na osnovu prethodno utvrđenih podkriterija za raspodjelu i uspostaviti sistem kontinuiranog nadzora nad namjenskim trošenjem sredstava tekućih transfera.*

*Potrebno je da Ministarstvo dosljedno primjenjuje Odluku o načinu obrazovanja i utvrđivanja visine naknada za rad komisija, posebno u dijelu evidentiranja vremena rada komisija. Preispitati opravdanost ovakvih vrsta isplata ukoliko su navedeni poslovi predviđeni Pravilnikom o unutrašnjoj organizaciji Ministarstva.*

*Uspostaviti organizacionu jedinicu na način da može ispunjavati ulogu i odgovornost propisanu Uredbom o uspostavi koordinacionog mehanizma za upravljanje i koordiniranje sredstava u FBiH.*

*Pojačati nadzor nad realizacijom zaključenih ugovora za nabavke izvršene prema Zakonu o javnim nabavkama BiH.*

#### **4. OSVRT NA PREPORUKE REVIZIJE ZA 2006.GODINU**

Na osnovu izvršene revizije finansijskih izvještaja za 2007. godinu, a u sklopu iste i provjere da li je postupljeno po preporukama datim u prethodnim revizijama, konstatovali smo da nisu poduzete adekvatne mjere:

- raspodjele sredstava za tekuće transfere na način da su primjenjeni potkriteriji;
- adekvatnog nadzora nad namjenskim trošenjem sredstava doznačenih krajnjim korisnicima.

Kod dijela preporuka, poduzetim aktivnostima su samo djelimično otklonjeni uočeni propusti i nedostaci, zbog toga se dio preporuka, kontinuirano ponavlja u izvještajima o izvršenoj reviziji. Navedeno se odnosi na:

- usaglašenje vlastitih prihoda iskazanih u pomoćnim evidencijama sa glavnom knjigom;
- isplate naknada komisijama bez popratne dokumentacije da je rad vršen van radnog vremena.

Konstatovali smo da je Ministarstvo postupilo po preporukama, datim nakon obavljene revizije finansijskih izvještaja za 2007. godinu u dijelu: donošenja određenih akata u cilju jačanja sistema internih kontrola, prisustva na poslu, plana i programa stručnog usavršavanja i obrazovanja, izvještavanja vezano za investiciono razvojne projekte prema Federalnom ministarstvu finansija, zaključenje ugovora u fiskalnoj godini za koju se realizuju sredstva.

#### **5. NALAZI I PREPORUKE**

##### **5.1 Sistem internih kontrola**

U skladu sa Smjernicama za uspostavu i jačanje sistema internih kontrola Ministarstvo je donijelo propisane procedure, ali nije donesen Pravilnik o internim kontrolama-internim kontrolnim postupcima koji bi definisao slijedeće postupke: upravljačko kontrolne, administrativne kontrolne, računovodstvene interne kontrolne, procjene rizika, informisanja i komunikacija i nadgledanja.



Uvidom u postojeći Pravilnik o unutrašnjoj organizaciji, konstatujemo da poslovi praćenja izvršenja i izvještavanja po određenim procesima nisu u dovoljnoj mjeri razrađeni kroz opise radnih mjesta izvršilaca naročito u Grupi za razvoj koja treba da ostvari ulogu i odgovornost propisanu Uredbom o uspostavi koordinacionog mehanizma za upravljanje i koordiniranje sredstava u FBiH.

Obzirom na specifičnosti procesa koji se pojavljuju u djelatnosti Ministarstva tekućih transfera za „Podsticaj proizvodnji i prestrukturiranju industrije i rudarstva“ i razvojnih projekata nisu uređeni politikama i procedurama, a obuhvataju najznačajniji iznos finansijskih transakcija.

Ovi isti procesi predstavljaju izuzetno rizična područja sa izraženim inherentnim rizikom, te je obzirom na to rukovodstvo trebalo izvršiti procjenu rizika za sve poslovne aktivnosti.

Kontrolne aktivnosti za sve procese nisu uspostavljene jer nisu donešene procedure kod tekućih transfera i razvojnih projekata, a cilj im je da se obezbijede procedure kontrole koje će dovesti do uvjeravanja da je transakcija transparentno izvršena.

Informacije i komunikacije kao komponenta interne kontrole nisu adekvatno funkcionisale što je ilustrovano kroz nalaz o realizaciji Ugovora o adaptaciji poslovnog prostora (Odjeljak 5.3.1 Izvještaja), jer su informacije o neizvršenju ugovora trebale ići naviše ka rukovodstvu kako bi se poduzele aktivnosti za zaštitu sredstava Ministarstva.

Stručni savjetnik - interni revizor je predviđen Pravilnikom o unutrašnjoj organizaciji Ministarstva sa definisanim zadacima da planira i vrši internu reviziju u skladu sa standardima i da radi na unapređenju sistema interne kontrole. Postupak izbora stručnog savjetnika za poslove interne revizije je u toku.

Rezultat slabosti sistema internih kontrola su: utvrđena razlika između evidencije vlastitih prihoda u glavnoj knjizi i pomoćnoj knjizi Ministarstva 22.904,70 KM kao i činjenica da ne postoji predviđeno radno mjesto likvidatora finansijske dokumentacije, čime se ne osigurava potpunost i tačnost dokumentacije koja se šalje na plaćanje.

***U skladu sa članom 62. Zakona o budžetima u Federaciji Bosne i Hercegovine urediti sistem interne kontrole kako bi se osiguralo izvršenje aktivnosti iz osnovne djelatnosti, a u skladu sa Smjericama za uspostavljanje i jačanje interne kontrole budžetskih korisnika donijeti Pravilnik o internim kontrolama - internim kontrolnim postupcima.***

***Nastaviti aktivnosti oko uspostavljanja funkcije interne revizije.***

## **5.2 Budžet za 2007. godinu**

Izvršenje budžeta za period 01.01. – 31.12.2007. godine sveukupno iznosi 15.208.878 KM, što je 93,1% od raspoloživog budžeta.

Budžetom za 2007. godinu odobrena su sredstva za rad Ministarstva u iznosu od 16.335.512 KM, u okviru kojih sredstva tekuće rezerve iznose 1.305.000 KM.

Nije bilo značajnih odstupanja niti prekoračenja kod izvršenja budžeta po pojedinim pozicijama u odnosu na odobreni budžet.

Prilikom sastavljanja budžetskog zahtjeva Ministarstvo se rukovodilo instrukcijama datim od strane Federalnog ministarstva finansija, ali obzirom na specifičnost budžeta Ministarstva, gdje tekući transferi učestvuju u ukupnom budžetu sa 77,5% za planiranje tekućih transfera nija korištena relevantna osnova.

***Potrebno je da Ministarstvo pristupi sistemskom planiranju tekućih transfera na osnovu relevantne osnove za planiranje.***



## 5.3 Tekući rashodi

### 5.3.1 Izdaci za materijal i usluge

Ostvarenje budžeta za izdatke za materijal i usluge je iznosilo 780.105 KM, od čega je najznačajnija pozicija izdaci za ugovorene usluge koji su iznosili od 116.131,28 KM.

Na ugovore o djelu za eksterne davaoce usluga se odnosi iznos od 22.225,23 KM (poslovi organizovanja rada početka rada Centra za verifikaciju mjerila u Tuzli, usluge prevođenja, analize i prikupljanja podataka u Sektoru energije).

Iznos od 93.906,05 KM se odnosi na naknade za rad komisija za pružanje intelektualnih usluga u skladu sa članovima 17. do 20. Pravilnika o uslovima i načinu vršenja određenih intelektualnih usluga u oblasti rudarstva, geologije, energije i industrije.

Od navedenog iznosa isplaćeno je članovima komisija, koji nisu uposleni u Ministarstvu iznos od 30.081,54 KM, članovima Komisija koji su uposlenici Ministarstva 46.214,53 KM i administrativnom osoblju Ministarstva 17.609,98 KM.

Rješenjem Ministra o izmjeni Rješenja o utvrđivanju naknada za rad komisija koje vrše intelektualne usluge u oblasti energije, rudarstva, geologije i industrije koje se zasniva na navedenom Pravilniku određene su isplate članovima Komisija. Pravilnikom nije jasno definisan osnov za isplatu administrativnom osoblju jer je u članu 18. Pravilnika navodeno „pokriće administrativnih troškova Ministarstva“, dok se u članu 20. navodi da „administrativno tehničke poslove za rad Komisija obavlja Ministarstvo“.

Smatramo da je dio navedenih poslova Komisije obuhvaćen Pravilnikom o unutrašnjoj organizaciji Ministarstva.

Iz priložene dokumentacije nije se moglo potvrditi da su komisije svoj rad obavljale nakon radnog vremena (član 3. Pravilnika), jer u dnevnicima rada nije navedeno vrijeme početka i završetka rada, kao i prisutnost komisije i da se zbog toga nije mogla potvrditi dosljedna primjena Odluke o načinu obrazovanja i utvrđivanja visine naknade za rad radnih tijela osnovanih od strane Vlade Federacije BiH i rukovoditelja federalnih organa državne službe.

Utvrđeni su propusti u realizaciji ugovora vezano za adaptaciju poslovnog prostora u Ulici Alipašina broj 14 Sarajevo. Provedena je procedura izbora najpovoljnijeg ponuđača prema konkurentskom postupku i izabran ponuđač sa najnižom cijenom. Zaključen je Ugovor 29.05.2007. godine, broj:08-14-1195/07, sa dobavljačem GD «Bišina» doo Mostar sa ugovorenom cijenom u iznosu od 49.157,15KM sa uračunatim PDV - om. Tenderskom dokumentacijom je bilo predviđeno 100%-no avansno plaćanje uz obezbjeđenje bankarske garancije. Rok izvođenja radova je bio 30 dana.

U predviđenom roku ponuđač nije završio ugovorene radove.

Garancija za dobro izvršenje posla je obezbijedena, ali obzirom da su radovi nezavršeni garancija je istekla. Ugovarač se nije obratio pismeno Ministarstvu sa zahtjevom za produženje roka radova, a ni garancija za dobro izvršenje posla nije produžena.

Prema građevinskoj knjizi Nadzorni organ je u toku izvođenja radova više puta osporavao urađene radove i konstatovao da određeni radovi nisu izvršeni.

U Zapisniku Komisije za tehnički prijem i primopredaju radova je navedeno da izvođač treba dostaviti pismenu izjavu da su radovi izvedeni u skladu sa ugovorom, važećim tehničkim standardima i dobrim poslovnim običajima, a da Nadzorni organ treba dostaviti pismenu izjavu o završetku radova što nije obezbijedeno. Navedeni dokumenti nisu sačinjeni.

Zapisnik o primopredaji adaptiranog prostora je sačinjen dana 11.12.2007. godine, gdje je Komisija konstatovala da su radovi na predmetnom objektu izvedeni sa prihvatljivim kvalitetom.



Prema Konačnoj situaciji dobavljač je fakturisao 54.686,53 KM urađene radove po osnovnom ugovoru 47.304,89 KM i dodatne radove prema Aneksu 7.381,64 KM), a obzirom da je po osnovnom ugovoru plaćeno avansom 49.157,15 KM, razlika za uplatu je bila 5.529,38 KM,

Obzirom da je rok završetka radova bio 30 dana od momenta zaključenja ugovora, to je krajnji rok za završetak radova bio 29.06. 2007. godine, i obzirom da je Zapisnikom Komisije od 11.12.2007. godine konstatovan prijem radova to je kašnjenje u radovima bilo oko 5,5 mjeseci bez primjene penala.

Zaključujemo da rukovodstvo Ministarstva nije poduzelo odgovarajuće aktivnosti na praćenju realizacije ugovora.

*Potrebno je da Ministarstvo dosljedno primjenjuje Odluku o načinu obrazovanja i utvrđivanja visine naknada za rad komisija, posebno u dijelu evidentiranja vremena rada komisija i popunjavanja dnevnika rada. Preispitati opravdanost ovakvih vrsta isplata ukoliko su navedeni poslovi predviđeni Pravilnikom o unutrašnjoj organizaciji Ministarstva.*

*Pojačati nadzor nad realizacijom zaključenih ugovora za nabavke izvršene prema Zakonu o javnim nabavkama BiH.*

#### 5.4 Tekući transferi

Tekući transferi su odobreni budžetom i Odlukama Vlade FBiH u iznosu od 12.230.000 KM, od čega je izvršeno 11.790.000 i nije izvršen transfer za 440.000 KM jer korisnici nisu dostavili potrebnu dokumentaciju za doznačavanje sredstava.

Putem Javnog poziva je dodijeljeno 9.875.000 KM, a ostatak prema odlukama Vlade FBiH.

Ministar je formirao Komisiju za provođenje postupka dodjele sredstava po Javnom pozivu, koja je dala prijedlog Ministru da se 210 kandidiranih projekata (koji zadovaljavaju kriterije prema Programu utroška sa kriterijima za raspodjelu sredstava tekući grantovi – „Podsticaj proizvodnji i prestrukturiranju industrije i rudarstva utvrđenim u razdjelu 17. Budžeta Federacije BiH za 2007. godinu Ministarstvu) sredstva raspodijele na 77 korisnika.

U Zapisniku Komisije nije dato obrazloženje za kandidirane projekte koji nisu predloženi za dodjelu iako su po formalnim uslovima zadovoljavali kriterije iz poziva.

**U donesenom Planu i Programu utroška sa kriterijima za raspodjelu sredstava tekućih transfera doneseni su kriteriji, ali revizijom nismo mogli potvrditi na koji način su primjenjeni utvrđeni kriteriji kako kod izbora korisnika sredstava tako i kod utvrđivanja visine sredstava.**

Prijedlog Odluke o raspodjeli dijela sredstava Tekući grantovi «Podsticaj proizvodnji i prestrukturiranje industrije i rudarstva» koja je potpisana od strane Ministra je poslat Vladi na usvajanje.

Vlada FBiH nije donijela Odluku kako je navedeno u tački 3. Odluke o usvajanju Programa utroška sa kriterijima za raspodjelu sredstava tekućih grantova za 2007. godinu (Sl. novine FBiH broj 41/07), ali je dala suglasnost na Odluku o raspodjeli dijela sredstava tekućih grantova, koju je donio Ministar.

Odluka o raspodjeli sredstava nije bila objavljena.

U Odluci o usvajanju Programa utroška sa kriterijima za raspodjelu sredstava tekućih transfera nije definisan nadzor nad namjenskim korištenjem sredstava tekućih transfera.

Ministarstvo u toku korištenja sredstava nije uspostavilo nadzor nad korištenjem sredstava niti su potpisivani ugovori sa korisnicima sredstava kako bi se obezbijedilo namjensko korištenje sredstava.

*Raspodjelu sredstava tekućih transfera vršiti na osnovu prethodno utvrđenih podkriterija.*

*U Programom utroška sa kriterijima propisati sistem kontinuiranog nadzora nad namjenskim trošenjem sredstava tekućih transfera.*





## 5.5 Razvojni projekti

Uredbom o uspostavi koordinacionog mehanizma za upravljanje i koordiniranje sredstava u FBiH (u daljem tekstu Uredba) uređuje se osnivanje organizacijskih jedinica za upravljanje i koordiniranje sredstava za razvitak u Bosni i Hercegovini, Ministarstvo nije implementator nego u okviru resorne nadležnosti vrši praćenje i izvještavanje, tako da nema otvoren transakcijski račun niti je potpisnik finansijskih ugovora po projektima.

Za ove poslove u Ministarstvu je određena organizaciona jedinica Grupa za razvoj koja djeluje u okviru Sektora energetike, ali nije uspostavljena na način da u potpunosti može izvršiti aktivnosti i zadatke iz člana 5. Uredbe.

Grupa za razvoj ne raspolaže potpunom dokumentacijom kako bi mogla vršiti adekvatan nadzor jer ne postoje svi kreditni sporazumi. Ministarstvo nije donijelo vlastite procedure sistemskog praćenja realizacije projekata u jedinicama za implementaciju.

*Uspostaviti organizacionu jedinicu unutar Ministarstva na način da može ispunjavati ulogu i odgovornost propisanu Uredbom.*

## 5.6 Nabavke

U 2007. godini Ministarstvo je provelo proceduru nabavki propisanom Zakonom o javnim nabavkama u BiH i zaključilo 18 ugovora i nisu uočeni bitni nedostaci prilikom izbora najpovoljnijeg ponuđača.

## 6. KOMENTAR

U ostavljenom roku Federalno ministarstvo energije, rudarstva i industrije dopisom, broj 09-14-1072/08 od 07.05.2008. godine, se pismeno očitovalo na Nacrt izvještaja o izvršenoj reviziji finansijskih izvještaja za 2007. godinu.

Primjedbe date na nalaze vezane za tekuće transfere i realizaciju ugovora o adaptaciji poslovnog prostora nisu prihvaćene iz razloga što nije dato adekvatno obrazloženje, odnosno nije prezentirana relevantna dodatna dokumentacija.

U očitovanju je istaknuto da su već poduzete odgovarajuće aktivnosti po preporukama.

Direktor Sektora za reviziju budžeta FBiH

i korisnika budžeta FBiH:

Munib Ovčina, dipl. oec.

Vođa tima:

Nedžad Redžep, viši revizor

Član tima:

Katica Lovrić, revizor



## Prilog br. 1.

## Izvršenje budžeta Federalnog ministarstva energije, rudarstva i industrije na dan 31.12.2007. godine

u KM

Red. broj	Vrsta rashoda	Prijedlog budžeta za 2007.god.	Odobreni budžet 2007.god.	Povećane I smanjenje budžeta (rebalans)	Doznake iz Tekuće rezerve	Ukupno raspoloživa sredstva (4+5+6)	Izvršenje budžeta 2007.god.	Razlika (7-8)	Indeks (8/7x100)
1	2	3	4	5	6	7	8	9	10
<b>I</b>	<b>Tekući i izdaci</b>	<b>4.895.520</b>	<b>4.398.463</b>	<b>-626.951</b>	<b>40.000</b>	<b>3.811.512</b>	<b>3.137.159</b>	<b>674.353</b>	<b>82,3</b>
1.	Bruto plate zaposlenih	1.900.257	1.634.221	-1.423		1.632.798	1.553.543	79.255	95,1
2.	Naknade troškova zaposlenih	823.854	634.368	-40.417	40.000	633.951	631.306	2.645	99,6
3.	Doprinosi poslodavca	210.548	181.071	-111		180.960	172.205	8.755	95,2
4.	Putni troškovi	350.400	350.400	-50.000		300.400	202.555	97.845	67,4
5.	Izdaci za energiju	55.000	55.000	-35.000		20.000	369	19.631	1,8
6.	Izdaci za komunalne usluge	120.584	108.526			108.526	82.332	26.194	75,9
7.	Nabavka materijala	144.664	144.664	-40.000		104.664	58.620	46.044	56,0
8.	Izdaci za usluge prevoza I goriva	90.003	90.003	-10.000		80.003	46.490	33.513	58,1
9.	Unajmljivanje imovine I opreme	90.000	90.000	-50.000		40.000	12.636	27.364	31,6
10.	Izdaci za tekuće održavanje	220.000	220.000	-50.000		170.000	111.001	58.999	65,3
11.	Osiguranje I bankarske usluge	54.610	54.610			54.610	25.698	28.912	47,0
12.	Ugovorene usluge	835.600	835.600	-350.000		485.600	240.404	245.196	49,5
<b>II</b>	<b>Tekući grantovi</b>	<b>10.965.000</b>	<b>10.965.000</b>		<b>1.265.000</b>	<b>12.230.000</b>	<b>11.790.000</b>	<b>440.000</b>	<b>96,4</b>
1.	Grant drugim nivoima Vlade	10.965.000	10.965.000		1.265.000	12.230.000	11.790.000	440.000	96,4
<b>III</b>	<b>Kapitalni izdaci</b>	<b>294.000</b>	<b>294.000</b>			<b>294.000</b>	<b>281.719</b>	<b>12.281</b>	<b>95,8</b>
1.	Nabavka opreme	294.000	294.000			294.000	281.719	12.281	95,8
<b>IV</b>	<b>SVEUKUPNO</b>	<b>16.154.520</b>	<b>15.657.463</b>	<b>-626.951</b>	<b>1.305.000</b>	<b>16.335.512</b>	<b>15.208.878</b>	<b>1.126.634</b>	<b>93,1</b>
	Broj zaposlenih	125	94			94	87	0	92,5